



Broj: 22-06-14-1436/18
Datum, 13.06.2018. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05), a u vezi sa članom 90. Zakona o javnim nabavkama BiH ("Službeni glasnik BiH", broj: 39/14), Direktor Kantonalne uprave civilne zaštite Kantona Sarajevo *donosi*:-

ODLUKU

o pokretanju javne nabavke putem direktnog sporazuma

I

Ovom odlukom se pokreće postupak javne nabavke putem direktnog sporazuma za nabavku roba: Nabavku kancelarijskog namještaja.

Ova nabavka je predviđena u Planu javnih nabavki roba za 2018. godinu.
Oznaka iz JRJN: 39130000-2 – Kancelarijski namještaj.

II

Vrijednost javne nabavke iz tačke I ove odluke, procjenjuje se u iznosu do 6.000,00 KM (slovima: šest hiljada KM) bez uračunatog PDV-a.

III

Sredstva za nabavku iz tačke I ove odluke se osiguravaju iz planiranih budžetskih sredstava Kantonalne uprave civilne zaštite Kantona Sarajevo za 2018. godinu sa ekonomskog koda 821300 – Nabavka opreme.

IV

Nakon prijema ponuda ponuđača, Kantonalna uprava civilne zaštite će, uzimajući u obzir princip najefikasnijeg korištenja javnih sredstava, prihvatiti prijedlog tehnički prihvatljive ponude u visini procijenjene vrijednosti za ovu vrstu postupka.

V

Ova odluka stupa na snagu danom donošenja.



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1



Broj: 22-06-14-1436-3/18
Datum, 18.07.2018. godine

Na osnovu člana 70. stav 2 Zakona o organizaciji organa uprave u FBiH, na osnovu člana 70. stav 1 i 3. Zakona o javnim nabavkama Bosne i Hercegovine ("Službeni glasnik BiH", broj: 39/14) i odredbama Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, direktor Kantonalne uprave civilne zaštite Kantona Sarajevo, *donosi*:-

ODLUKU
o izboru najpovoljnijeg ponuđača

Član 1.

Ugovor za javnu nabavku i isporuku "kancelarijskog namještaja" za potrebe ugovornog organa prema specifikaciji iz obrazca za cijenu ponude, putem direktnog sporazuma dodjeljuje se ponuđaču "G.T.R." d.o.o., ul. Kočine b.b. 88 000 Mostar, ID broj:4227184360003 prema ponudi broj: 01-58/2018 dostavljenoj 14.06.2018. godine za ponuđenu cijenu od 2.529,00 KM (slovima: dvijehiljadepetstotinadvadesetdevet KM) bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču "G.T.R." d.o.o.

Član 3.

Ova Odluka stupa na snagu danom donošenja.

Obrazloženje

Direktor Kantonalne uprave civilne zaštite Kantona Sarajevo donio je Odluku o pokretanju postupka javne nabavke broj: 22-06-14-1436/18 od 13.06.2018. godine.

U skladu sa članom 5. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Kantonalna uprava civilne zaštite Kantona Sarajevo je putem interneta i na terenu ispitala tržište, te uputila zahtjev za dodjelu pismene ponude četiri (4) ponuđača.

Iz izvještaja o provedenom postupku konstatovano je:

- da su zahtjevi za dostavu ponude upućeni na slijedeće tri adrese: SBC d.o.o. P.J. Burotime ul.Kalmija Baruha 3a, 71 000 Sarajevo, ZAHAREX d.o.o., ul.Garovci bb, 71 240 Hadžići, D&M Creativa d.o.o., ul. Kolodvorska 11a, 71 000 Sarajevo i G.T.R. d.o.o., Kočine b.b. 88 000 Mostar.
- da su ponuđači SBC d.o.o. P.J. Burotime, D&M Creativa d.o.o. i G.T.R. d.o.o. uredno dostavili ponude u predviđenom roku iz zahtjeva za dostavu ponude;
- da je ponuda ponuđača G.T.R. d.o.o. kvalifikovana i prihvatljiva za ugovorni organ.




U postupku donošenja ove Odluke posebno je cijenjena činjenica da je ponuda ponuđača G.T.R. d.o.o. cjenovno znatno niža i u skladu sa zahtjevom i potrebama ugovornog organa, te je odlučeno kao u dispozitivu ove Odluke.

Na osnovu pristiglih ponuda i Izvještaja, a odlukom direktora izabrana je ponuda ponuđača "G.T.R." d.o.o., ul. Kočine b.b. 88 000 Mostar.

Pouka o pravnom lijeku:

Protiv ove Odluke ponuđač može izjaviti žalbu u roku od 5 (pet) dana od dana prijema Odluke o izboru. Žalba se podnosi ugovornom organu kao prvostepenoj instanci u žalbenom postupku.



Dostaviti:

- "G.T.R." d.o.o.
Kočine b.b.,
88 000 Mostar
- Sektor za ekonomske poslove KUCZ KS
- Ministarstvo finansija Kantona Sarajevo
- a/a



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1

U G O V O R
o javnoj nabavci "kancelarijskog namještaja"
putem direktnog sporazuma

I UGOVORNE STRANE

1. **Kantonalna uprave civilne zaštite Kantona Sarajevo**, ul. Hamida Dizdara br. 1., Sarajevo, koju zastupa direktor, Samir Džihic, (u daljnjem tekstu: **Kupac**), ID broj: 4200665390008 i
2. **G.T.R.** d.o.o. Kočine b.b. 88 000 Mostar, kojeg zastupa direktor, Adnan Krhan, (u daljnjem tekstu: **Prodavac**), ID broj: 4227184360003.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao „**Ugovorne strane**“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Prodavca, broj: 01-65/2018 dostavljenoj 17.07.2018. godine i Odluka o izboru za nabavku roba, Kupca, broj: 22-06-14-1436-3/18 od 18.07.2018. godine.

III PREDMET UGOVORA

Član 1.

Predmet ovog Ugovora je nabavka "kancelarijskog namještaja" prema tehničkoj specifikaciji, koja je navedena u Zahtjevu za dostavu ponude Kupca, broj: 22-06-14-1436-1/18 od 10.07.2018. godine, kao i Ponudi Prodavca, br. 01-65/2018 od 17.07.2018. godine, koje čine sastavni dio ovog Ugovora.

Član 2.

Nabavku i isporuku kancelarijskog namještaja prema specifikaciji, Prodavac je dužan isporučiti prema svojoj Ponudi, te po uputstvima Kupca i u skladu sa važećim standardima.

IV CIJENA I NAČIN PLAĆANJE

Član 3.

Ukupna vrijednost ugovorene nabavke definisane u članu 1. ovog Ugovora iznosi: 2.958,93 KM (slovima: dvijehiljadedevetstotinašesdeset i 93/100).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 1862010310162031 otvoren kod ZIRAAT BANK BH dd.

Član 4.

Ugovorne strane su saglasne da će Kupac ukupnu vrijednost iz člana 3. stav 1. ovog Ugovora uplatiti Prodavcu nakon isporuke predmeta nabavke u roku do 15 dana od dana prijema fakture.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti na adresi ugovornog organa Fehima ef. Čurčića br.1 najkasnije u roku do 10 dana od dana obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 01-65/2018 od 17.07.2018. godine, a koju je Kupac odabrao kao prihvatljivu i kvalifikovanu.

Primopredaju robe između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će dostaviti garantne listove proizvođača za predmetnu robu prema uslovima navedenim u svojoj Ponudi;
- da će robu iz člana 1. ovog Ugovora isporučiti i ugraditi na lokaciji koju odredi ugovorni organ.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 11.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 12.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

**ZA PRODAVCA
G.T.R. d.o.o.
DIREKTOR**



**ZA KUPCA
DIREKTOR**



Broj: *01-07-111/18*

Broj: 22-06-14-1436-5/18
Datum, 18.07.2018. godine